

Cuntas Leithreasa 2021

Vóta 44

An Coimisiún um Chosaint Sonraí

Réamhrá

Mar Oifigeach Cuntasaíochta do Vóta 44, ceanglaítear orm an cuntas leithreasa don Vóta a ullmhú gach bliain agus an cuntas a chur faoi bhráid an Ard-Reachtair Cuntas agus Ciste lena iniúchadh.

De réir an cheanglais seo, d'ullmhaigh mé an cuntas a ghabhann leis seo ar an tsuim a caitheadh ar thuarastail agus costais an Choimisiúin um Chosaint Sonraí sa bhliain dar chríoch an 31 Nollaig 2021.

Cuirtear an toradh maidir le caiteachas i gcomparáid leis na suimeanna arna ndeonú ag Dáil Éireann faoin Acht Leithreasa, 2021, lena n-áirítear an tsuim a d'fhéadfaí a úsáid mar leithreasaí i gcabhair ar mhaithe le caiteachas don bhliain.

Dlítear farasbarr €4.33 milliún a ghéilleadh don Stáitchiste.

Is cuid den chuntas iad an Ráiteas faoi Pholasaithe agus faoi Phrionsabail Chuntasaíochta agus nótaí 1 go 6.

Aistriú feidhmeanna corparáideacha

Lean an Coimisiún um Chosaint Sonraí ag déanamh dul chun cinn ar aistriú feidhmeanna corparáideacha ar leith ón Roinn Dlí agus Cirt sa bhliain 2021. Síníodh Ordú ón Aire i mí na Samhna 2021 inar ceapadh an Coimisinéir um Chosaint Sonraí mar Údarás Cuí, faoi alt 20(2) den Acht um Chosaint Sonraí, 2018. Tá an fhoireann a bhí fostaithe roimhe sin ag an Roinn Dlí agus Cirt anois ina bhfostaithe den Choimisiún um Chosaint Sonraí.

Ráiteas faoi Pholasaithe agus faoi Phrionsabail Chuntasaíochta

Cuireadh na polasaithe agus na prionsabail chaighdeánacha chuntasaíochta, maidir le cuntais leithreasa a tháirgeadh, mar atá leagtha amach ag an Roinn Caiteachais Phoiblí agus Athchóirithe i gclár 1 agus 9 de 2022, chun feidhme agus an cuntas á ullmhú.

Ráiteas faoi Rialú Inmheánach Airgeadais

Freagracht as an gcóras rialaithe inmheánaigh airgeadais

Mar Oifigeach Cuntasaíochta, admhaím an fhreagracht atá orm as a chinntiú go gcoimeádann agus go bhfeidhmíonn an Coimisiún um Chosaint Sonraí córas éifeachtach rialaithe inmheánaigh airgeadais.

Cleachtaim an fhreagracht seo i gcomhthéacs na n-acmhainní atá ar fáil dom agus mo fhreagrachtaí eile mar Cheann Oifige. Chomh maith leis sin, ní féidir le haon chóras rialaithe inmheánaigh airgeadais ach deimhniú réasúnta seachas deimhniú cinnte a thabhairt go gcosnaítear sócmhainní, go ndéantar idirbhearta a údarú agus a thaifeadadh go cuí agus go seachnaítear earráidí ábhartha nó neamhrialtachtaí nó go dtugtar faoi deara iad go tráthúil. Is próiseas leanúnach é an córas rialaithe inmheánaigh airgeadais a chothabháil agus bíonn an córas agus a éifeachtúlacht faoi athbhreithniú leanúnach.

Seirbhísí comhroinnte

Cuireann Seirbhísí Comhroinnte Airgeadais sa Roinn Dlí agus Cirt seirbhísí airgeadais ar fáil don Choimisiún um Chosaint Sonraí faoi chomhaontú seirbhíse.

Soláthraíonn an Oifig Náisiúnta um Sheirbhísí Comhroinnte seirbhísí comhroinnte acmhainní daonna agus párolla ar fáil don Choimisiún um Chosaint Sonraí. Tugann an Oifig Náisiúnta um Sheirbhísí Comhroinnte dearbhú bliantúil i leith na seirbhísí a sholáthraítear don Roinn Dlí agus Cirt agus déantar iniúchadh uirthi faoi phróisis deimhnithe ISAE 3402 i leith an dearbhaithe sin.

Bím ag brath ar litir dhearbhaithe ó Oifig Chuntasaíochta na hOifige Náisiúnta um Sheirbhísí Comhroinnte agus na Roinne Dlí agus Cirt maidir leis na rialuithe iomchuí a chuirtear i bhfeidhm i ndáil le seirbhísí comhroinnte a chur ar fáil don Choimisiún um Chosaint Sonraí.

Tá mo chuid freagrachtaí maidir le ceanglais na gcomhaontuithe sin comhlíonta agam.

Timpeallacht rialaithe airgeadais

Deimhním go bhfuil timpeallacht rialaithe ina bhfuil na heilimintí seo a leanas i bhfeidhm.

- Sannadh freagrachtaí airgeadais ar an leibhéal bainistíochta le cuntasacht chomhfhreagrach.
- Bunaíodh socruithe tuairiscithe ar gach leibhéal ar ar sannadh freagracht as bainistíocht airgeadais.
- Bunaíodh nósanna imeachta foirmiúla chun teipeanna suntasacha rialaithe a thuairisciú agus chun gníomhaíocht cheartaitheach chuí a áirithiú.
- Tá Coiste Iniúcháireachta agus Riosca ar bun d'fhonn comhairle a chur ormsa maidir lena leagtar d'fhreagracht orm maidir leis an gcóras rialaithe inmheánaigh.
- Rinneadh doiciméadú ar na nósanna imeachta le haghaidh gach príomhphróisis gnó.
- Tá córais i bhfeidhm chun na sócmhainní a chosaint.
- Baineann an Coimisiún úsáid as an gCóras Bainistíochta agus Forbartha Feidhmíochta chun, inter alia, riachtanais oiliúna na foirne a aithint, lena n-áirítear scileanna bainistíochta airgeadais agus cuntasaíochta. Déantar an oiliúint atá de dhíth a eagrú nó a fhoinsiú de réir mar is cuí ansin.

Rialuithe riaracháin agus tuairisciú bainistíochta

Maidir leis an gCoimisiún um Chosaint Sonraí, deimhnímh go bhfuil timpeallacht rialaithe i bhfeidhm a bhfuil na gnéithe seo a leanas mar chuid di.

- Tá córas buiséadaithe cuí le buiséad bliantúil a bhíonn faoi athbhreithniú ag an lucht ardbhainistíochta i bhfeidhm.
- Bíonn athbhreithniú rialta á dhéanamh ag an lucht ardbhainistíochta ar thuarascálacha airgeadais tréimhsiúla agus bliantúla a léiríonn feidhmíocht airgeadais in aghaidh réamhaisnéisí.
- Tá córas bainistíochta riosca i bhfeidhm.
- Tá córais ann atá dírithe ar shlándáil na teicneolaíochta faisnéise agus cumarsáide a chinntiú. Le linn 2021, chuir rannóg teicneolaíochta faisnéise agus cumarsáide (TFC) na Roinne Dlí agus Cirt seirbhísí áirithe TFC ar fáil don Choimisiún um Chosaint Sonraí. Chuir rannóg TFC na Roinne Dlí agus Cirt ráiteas dearbhaithe ar fáil faoi chomhaontú seirbhíse, ag cur síos ar na próisis rialaithe a bhí i bhfeidhm in 2021.

Iniúchadh inmheánach agus an Coiste Iniúcháireachta agus Riosca

Deimhnímh go bhfuil feidhm iniúcháireachta inmheánaí ag an gCoimisiún um Chosaint Sonraí, ar feidhm sheachfhoinisithe í lena ngabhann foireann atá oilete go cuí chuige, agus go n-oibríonn sí de réir cairt i scríbhinn atá faofa agam. Téann anailís ar na rioscaí airgeadais sin atá os comhair an Choimisiúin um Chosaint Sonraí i bhfeidhm ar a cuid oibre agus tá a cuid pleananna bliantúla iniúcháireachta inmheánaí, atá faofa agam féin, bunaithe ar an anailís seo. Féachtar leis na pleananna sin na príomhrialuithe a chlúdach ar bhonn atrátha thar thréimhse réasúnach. I gcomhar leis an gCoiste Iniúcháireachta agus Riosca, déanaim an fheidhm iniúcháireachta inmheánaí a athbhreithniú go tréimhsiúil. Tá nósanna imeachta curtha i bhfeidhm agam lena chinntiú go ndéantar gníomh leantach i leith thuairiscí na feidhme iniúcháireachta inmheánaí.

Thionóil an Coiste Iniúcháireachta agus Riosca don Choimisiún um Chosaint Sonraí ocht gcruinniú sa tréimhse ón 1 Eanáir go dtí an 31 Nollaig 2021.

Comhlíonadh soláthair

Cinntíonn an Coimisiún go bhfuil béim chuí ann ar dhea-chleachtas nuair a bhítear ag ceannach agus go bhfuil nósanna imeachta i bhfeidhm chun comhlíonadh gach treoirlíne iomchuí a chinntiú. Ní raibh aon chonradh neamhiomaíoch ná neamhchomhlíontach de bhreis ar €25,000 gan CBL a áireamh i gceist sa bhliain 2021.

Creat riosca agus rialaithe

Tá córas bainistíochta riosca curtha i bhfeidhm ag an gCoimisiún um Chosaint Sonraí lena sainaithnítear agus lena dtuairiscítear na príomhrioscaí agus na gníomhartha bainistíochta atá á ndéanamh chun dul i ngleic leis na rioscaí sin agus iad a mhaolú a mhéid agus is féidir.

Tá clár rioscaí i bhfeidhm lena sainaithnítear na príomhrioscaí atá os comhair an Choimisiúin um Chosaint Sonraí agus déantar na rioscaí sin a shainaithint, a mheas agus a ghrádú de réir a suntasachta. Déanann an Coiste Ardbhainistíochta an clár a athbhreithniú agus a nuashonrú ar bhonn ráithiúil. Baintear leas as torthaí na measúnachtaí sin chun acmhainní a phleanáil agus a leithroinnt chun a chinntiú go ndéantar rioscaí a bhainistiú de réir leibhéal inghlactha.

Sonraítear sa chlár rioscaí na rialuithe agus na gníomhaíochtaí atá de dhíth chun rioscaí a mhaolú agus déantar freagracht i ndáil le feidhmiú rialuithe a shannadh do bhaill foirne shonracha.

Monatóireacht agus athbhreithniú leanúnach

Cuireadh nósanna imeachta foirmeálta chun feidhme le linn na tréimhse a chlúdaítear sa chuntas chun monatóireacht a dhéanamh ar phróisis rialaithe. Cuireadh easnaimh rialaithe in iúl go tráthúil dóibhsean atá freagrach as gníomhaíocht cheartaitheach a dhéanamh agus don lucht bainistíochta agus don Choiste Ardbhainistíochta, nuair ab iomchuí.

Deimhním gur sainaithníodh príomhrioscaí agus rialuithe gaolmhara agus gur cuireadh próisis i bhfeidhm chun monatóireacht a dhéanamh ar fheidhmiú na bpríomhrialuithe sin agus aon easnaimh shainaitheanta a thuairisciú.

Athbhreithniú ar éifeachtacht

Deimhním go bhfuil nósanna imeachta ag an gCoimisiún um Chosaint Sonraí chun monatóireacht a dhéanamh ar éifeachtacht a nósanna imeachta bainistíochta riosca agus rialaithe. Tá monatóireacht agus athbhreithniú an Choimisiúin um Chosaint Sonraí ar éifeachtacht an chórais rialaithe inmheánaigh airgeadais bunaithe ar obair na n-íniúcháirí seachtracha agus inmheánacha agus na foirne ardbhainistíochta laistigh den Choimisiún um Chosaint Sonraí atá freagrach as an gcreat rialaithe inmheánaigh a fhorbairt agus a choinneáil.

Saincheisteanna rialaithe inmheánaigh airgeadais

Níor sainaithníodh aon laigí i rialú inmheánach airgeadais maidir leis an mbliain 2021 is gá a nochtadh sa chuntas leithreasa.

Saincheisteanna rialaithe Covid-19

Tugadh faoi mheasúnuithe ar thionchar Covid-19, agus cáipéis Léargas Iniúchta ó Oifig an Ard-Reachtair Cuntas agus Ciste á cur san áireamh. Rinneadh measúnú ar thionchar Covid-19 ar an timpeallacht rialaithe agus ba é an toradh a bhí air sin ná nach raibh tionchar diúltach ann ar na rialuithe inmheánacha de bharr na paidéime. Deimhním go ndearna mé féin agus an fhoireann ardbhainistíochta monatóireacht leanúnach ar rialuithe inmheánacha a chothabháil sa bhliain 2020 agus sa bhliain 2021.

Helen Dixon

Oifigeach Cuntasaíochta
An Coimisiún um Chosaint Sonraí

31 Márta 2022

An tArd-Reachtair Cuntas agus Ciste

Tuarascáil le cur faoi bhráid Thithe an Oireachtais

Vóta 44 An Coimisiún um Chosaint Sonraí

Tuairim faoin gcuntas leithreasa

Tá iniúchadh déanta agam ar an gcuntas leithreasa do Vóta 44 An Coimisiún um Chosaint Sonraí don bhliain dar chríoch 31 Nollaig 2021 faoi Alt 3 d'Acht an Ard-Reachtair Cuntas agus Ciste (Leasú) 1993.

I mo thuairimse,

- léirítear go cuí sa chuntas leithreasa na fáltais agus an caiteachas a bhain le Vóta 44 An Coimisiún um Chosaint Sonraí don bhliain dar chríoch 31 Nollaig 2021, agus
- ullmhaíodh an cuntas leithreasa san fhoirm a d'ordaigh an tAire Caiteachais Phoiblí agus Athchóirithe.

Bonn faoin tuairim

Rinne mé m'iniúchadh ar an gcuntas leithreasa de réir na gCaighdeán Idirnáisiúnta maidir le hIniúcháireacht arna fhógairt ag an Eagraíocht Idirnáisiúnta Uasfhoras Iniúcháireachta. Tá cur síos déanta ar na freagrachtaí atá orm faoi na caighdeáin sin san aguisín leis an tuarascáil seo. Níl baint ná páirt agam le Coimisiún um Chosaint Sonraí agus tá na freagrachtaí eitice eile atá orm de réir na gcaighdeán comhlíonta agam.

Creidim gur leor agus gur cuí an fhianaise iniúchta a fuair mé le bonn a chur faoi mo thuairim.

Tuarascáil ar an ráiteas faoi rialú inmheánach airgeadais, agus ar nithe eile

Chuir an tOifigeach Cuntasaíochta ráiteas faoi rialú inmheánach airgeadais i láthair i dteannta an chuntais leithreasa. Tá cur síos déanta ar na freagrachtaí atá orm le tuairisciú ar an bhfaisnéis atá sa ráiteas, agus ar nithe eile a dtuairiscím orthu de réir eisceachta san aguisín leis an tuarascáil seo.

Níl aon rud le tuairisciú agam ina leith sin.

Seamus MacCárthaigh

Ard-Reachtair Cuntas agus Ciste

22 Meitheamh 2022

Aguisín leis an tuarascáil

Freagrachtaí an Oifigeach Cuntasaíochta

Tá an tOifigeach Cuntasaíochta freagrach as na nithe seo a leanas:

- an cuntas leithreasa a ullmhú de réir alt 22 den Exchequer and Audit Departments Act 1866
- a chinntiú go gcomhlíonann an cuntas leithreasa ceanglais na *Nósanna Imeachta Airgeadais Phoiblí* ón Roinn Caiteachais Phoiblí agus Athchóirithe agus ordacháin eile ón Aire Caiteachais Phoiblí agus Athchóirithe
- rialtacht na n-idirbheart a chinntiú, agus
- cur chun feidhme a dhéanamh ar cibé rialú inmheánach a chinneann an tOifigeach Cuntasaíochta a bheith riachtanach chun cuntas leithreasa a ullmhú atá saor ó mhíráiteas ábhartha, bíodh calaois nó earráid mar chúis leis.

Freagrachtaí an Ard-Reachtaire Cuntas agus Ciste

Ceanglaítear orm faoi alt 3 den Acht um Ard-Reachtaire Cuntas agus Ciste (Leasú), 1993, an cuntas leithreasa a iniúchadh agus tuairisciú air do Thithe an Oireachtais, á lua cé acu is amhlaidh nó nach amhlaidh, i mo thuairimse, a chuirtear na fáltais agus an caiteachas a bhaineann leis an vóta i láthair go cuí sa chuntas.

Tá sé mar chuspóir agam agus an t-iniúchadh á dhéanamh agam dearbhú réasúnach a fháil ar cé acu atá nó nach bhfuil na ráitis airgeadais ina n-iomláine saor ó mhíráiteas ábhartha, bíodh calaois nó earráid mar chúis leis. Is ionann dearbhú réasúnach agus leibhéal ard dearbhaithe. Mar sin féin, ní deimhniú é gur i ngach cás ina bhfuil sé ann a aimseofar míráiteas ábhartha le linn iniúchadh a dhéantar de réir na gCaighdeán Idirnáisiúnta um Iniúcháireacht. Is féidir le míráitis teacht as calaois nó earráid agus meastar iad a bheith ábhartha más amhlaidh ina n-aonar nó mar chomhiomlán a d'fhéadfaí a bheith ag súil leis le réasún go rachadh siad i bhfeidhm ar chinntí eacnamaíocha a dhéanann úsáideoirí ar bhonn an chuntais leithreasa.

Mar chuid d'iniúchadh a dhéantar de réir na gCaighdeán Idirnáisiúnta um Iniúcháireacht, úsáidim breithiúnas gairmiúil agus coinníu sceipteachas gairmiúil ar bun ar fud an iniúchta. Le linn déanamh amhlaidh,

- Déanaim sainaithint agus measúnú ar na rioscaí a bhaineann le míráiteas ábhartha sna ráitis airgeadais, bíodh calaois nó earráid mar chúis leis; ceapaim nósanna imeachta iniúcháireachta atá freagrúil do na rioscaí sin agus cuirim i bhfeidhm iad; agus faighim fianaise iniúchta is leor agus is cuí chun bunús a thabhairt do mo thuairim. Is airde an baol nach mbraithfí míráiteas ábhartha de bharr calaoise ná de bharr earráide, toisc go bhféadfadh claonpháirteachas, brionnú, easnamh d'aon ghnó, mífhaisnéis nó sárú ar an rialú inmheánach a bheith i gceist le calaois.

- Gnóthaím tuiscint ar rialú inmheánach atá ábhartha don iniúchadh chun nósanna imeachta iniúcháireachta a cheapadh atá oiriúnach do na cúinsí. Ní dhéanaim amhlaidh, áfach, chun tuairim a thabhairt ar éifeachtacht na rialuithe inmheánacha.
- Déanaim measúnú ar cé acu a comhlíonadh nó nár comhlíonadh forálacha cuntasaíochta na *Nósanna Imeachta Airgeadais Phoiblí* ón Roinn Caiteachais Phoiblí agus Athchóirithe.

Déanaim cumarsáid leis an Oifigeach Cuntasaíochta maidir le raon feidhme agus uainiú beartaithe an iniúchta agus le fionnachtana suntasacha an iniúchta, lena n-áirítear aon easnamh shuntasacha i rialú inmheánach a shainithním le linn m'iniúchta, i measc ábhair eile.

Tuairiscím trí eisceacht i gcás gurb amhlaidh, i mo thuairimse,

- nach bhfuair mé an fhaisnéis agus na mínithe ar fad a theastaigh uaim do m'iniúchadh, nó
- nár leor na taifid chuntasaíochta chun mé a chumasú iniúchadh réidh cuí a dhéanamh ar an gcuntas leithreasa, nó
- nach bhfuil an cuntas leithreasa ag teacht leis na taifid chuntasaíochta.

Tuairisciú ar an ráiteas faoi rialú inmheánach airgeadais

Ní chumhdaíonn mo thuairim ar an gcuntas leithreasa an ráiteas ón Oifigeach Cuntasaíochta faoi rialú inmheánach airgeadais, agus ní chuirim aon chinneadh dearbhaithe in iúl ina leith.

I dtaca leis an iniúchadh ar an gcuntas leithreasa, ceanglaítear orm faoi na Caighdeán Idirnáisiúnta um Iniúcháireacht an ráiteas faoi rialú inmheánach airgeadais a léamh agus, le linn déanamh amhlaidh, a bhreithniú cé acu is amhlaidh nó nach amhlaidh atá an fhaisnéis atá tugtha laistigh de neamh-chomhsheasmhach go hábhartha leis an gcuntas leithreasa nó le heolas a gnóthaíodh le linn an iniúchta nó atá an chuma uirthi ar shlí eile go ndearnadh míráiteas ábhartha ina leith. Más amhlaidh, bunaithe ar an obair a rinne mé, go gcinnim go ndearnadh míráiteas ábhartha, ceanglaítear orm an fóras sin a thuairisciú.

Tuairisciú ar ábhair eile

Féachaim le linn an iniúchta le fianaise a fháil ar rialtacht na n-idirbheart airgeadais. Ceanglaítear orm faoi alt 3 den Acht um Ard-Reachtaire Cuntas agus Ciste (Leasú), 1993, tuairisciú i gcás go sainaithním aon chás ábhartha nár caitheadh airgead poiblí do na críocha a bhí beartaithe ann nó nach ndearnadh na hidirbhearta de réir na n-údarás a bhí á rialú ann.

Ceanglaítear orm freisin faoi Acht 1993 tuarascáil a ullmhú gach bliain ar cibé ábhair a eascraíonn as m'iniúchtaí ar na cuntais leithreasa is cuí liom. I gcásanna den sórt sin, tagraítear sna deimhnithe tuairime ar na cuntais leithreasa lena mbaineann don chaibidil ábhartha/do na caibidlí ábhartha sa *Tuarascáil ar Chuntais na Seirbhísí Poiblí* uaim, ar tuarascáil bhliantúil í.

Vóta 44 An Coimisiún um Chosaint Sonraí**Cuntas Leithreasa 2021**

		2021	2020
		Toradh	Toradh
		Soláthar meastachá in	
		€000	€000
Caiteachas an chláir			
A	Rialáil Cosanta Sonraí a Sholáthar	19,128	12,218
Ollchaiteachas		19,128	12,218
<i>Lúide</i>			
B	Leithreasáí-i-gcabhair	230	155
		18,898	12,063

Farasbarr

Tá an farasbarr ar an méid a soláthraíodh thar an nglanmhéid a cuireadh i bhfeidhm dlite lena ghéilleadh don Státchiste.

	2021	2020
	€	€
Farasbarr le géilleadh	4,329,514	4,622,680

Helen Dixon

Oifigeach Cuntasaíochta
An Coimisiún um Chosaint Sonraí

31 Márta 2021

Nótaí leis an gCuntas Leithreasa

Nóta 1 Ráiteas faoin gCostas Oibriúcháin 2021

		2021	2020
	€000	€000	€000
Pá		9,326	7,844
Neamhphá		5,431	4,374
Ollchaiteachas		14,757	12,218
<i>Lúide</i>			
Leithreasaí-i-gcabhair		(189)	(155)
Glanchaiteachas		14,568	12,063
Athruithe ar shócmhainní caipitil			
Ceannacháin airgid thirim	(151)		
Dímheas	35	(116)	(115)
Athruithe ar ghlansócmhainní reatha			
Méadú ar fhabhruithe deiridh	111		
Méadú ar réamhíocaíochtaí deiridh	(3)		
Méadú ar stoic dheiridh	(2)	106	(121)
Caiteachas díreach		14,558	11,827
Caiteachas a tabhaíodh in áit eile			
Glanchaiteachas ar sheirbhísí gaolmhara (nóta 1.1)		151	125
Glanhostas an chláir		14,709	11,952

1.1 Glanchaiteachas ar sheirbhísí gaolmhara

Tá an glanmhéid caiteachais ar sheirbhísí gaolmhara comhdhéanta de na suimeanna seo a leanas maidir le Vóta 44 a tabhaíodh in áit eile.

		2021	2020
		€000	€000
Vóta 13	Oifig na nOibreacha Poiblí	78	76
Vóta 18	An Oifig Náisiúnta um Sheirbhísí Comhroinnte	17	—
Vóta 24	Dlí agus Ceart	56	49
		151	125

Nóta 2 Ráiteas faoin Staid Airgeadais ag an 31 Nollaig 2021

	Nótaí	2021 €000	2020 €000
Sócmhainní caipitil	2.1	889	773
Sócmhainní reatha			
Banc agus airgead tirim	2.2	173	222
Stoic		9	7
Réamhíocaíochtaí	2.3	190	187
Iarmhéideanna dochair eile		142	—
Glanmhaoiniú Státhchiste	2.5	162	33
Iomlán na sócmhainní reatha		676	449
Lúide dliteanais reatha			
Speansais fhabhraithe		184	73
Iarmhéideanna creidmheasa eile	2.4	477	255
Iomlán na ndliteanas reatha		661	328
Glansócmhainní reatha		15	121
Glansócmhainní		904	894
Arna léiriú ag:			
Cuntas maoinithe Stáit	2.6	904	894

2.1 Sócmhainní caipitil

	Troscán agus feistis €000	Trealamh TF agus oifige €000	Sócmhainní caipitil atá á bhforbairt €000	Iomlán €000
Ollsócmhainní				
Costas nó luacháil ag an 1 Eanáir 2021	2	187	668	857
Breiseanna	—	—	151	151
Díúscairtí	—	(2)	—	(2)
Costas nó luacháil ag an 31 Nollaig 2021	2	185	819	1,006
Dímheas carntha				
Iarmhéid tosaigh ag an 1 Eanáir 2021	2	82	—	84
Dímheas don bhliain	—	35	—	35
Dímheas ar dhiúscairtí	—	(2)	—	(2)
Dímheas carnach ag an 31 Nollaig 2021	2	115	—	117
Glansócmhainní ag an 31 Nollaig 2021	—	70	819	889
Glansócmhainní ag an 31 Nollaig 2020	—	105	668	773

2.2 Banc agus airgead tirim

ag an 31 Nollaig	2021 €000	2020 €000
Iarmhéideanna ag an bPámháistir Ginearálta agus airgead tirim	173	222
Iarmhéid an chuntais bainc tráchtála	—	—
	173	222

Chomh maith leis an gcuntas ag an bPámháistir Ginearálta, tá cúig chuntas tráchtála bainc eile ag an gCoimisiún a raibh iarmhéid nialasach i gceist leo ag an 31 Nollaig 2021.

2.3 Réamhíocaíochtaí

ag an 31 Nollaig	2021	2020
	€000	€000
Costais áitribh oifige	178	176
Cumarsáid	8	4
Eile	4	7
	190	187

2.4 Iarmhéideanna creidmheasa eile

ag an 31 Nollaig	2021	2020
	€000	€000
Suimeanna atá dlite don Stát		
Cáin ioncaim	250	—
Cáin bhreisluacha ar shonraisc choimhthíocha	6	2
Cáin shiarchoinneálach ar sheirbhísí gairmiúla	114	162
	370	164
Míreanna eile ar fionraí	107	91
	477	255

2.5 Glanmhaoiniú Státchiste

ag an 31 Nollaig	2021	2020
	€000	€000
Farasbarr le géilleadh	4,330	4,623
Deontas ón Státchiste nár tarraingíodh	(4,492)	(4,656)
Glanmhaoiniú Státchiste	(162)	(33)
Arna léiriú ag:		
Banc agus airgead tirim	173	222
Iarmhéideanna dochair: fionraí	142	—
	315	222
Creidiúnaithe		
Dlíte don Stát	(120)	(164)
Iarmhéideanna creidmheasa: fionraí	(357)	(91)
	(477)	(255)
	(162)	(33)

2.6 Cuntas maoinithe stáit

	Nóta	2021	2020
		€000	€000
Iarmhéid ag an 1 Eanáir		894	—
Eisíocaíochtaí ón Vóta			
Soláthar meastacháin		18,898	
Farasbarr le géilleadh		(4,330)	
Glanvóta		14,568	12,063
Caiteachas (airgead tirim) a tabhaíodh in áit eile	1.1	151	125
Aistriú isteach sócmhainní		—	658
Glanchoistas an chláir	1	(14,709)	(11,952)
		904	894

2.7 Ceangaltais

Ceangaltais dhomhanda	2021	2020
ag an 31 Nollaig	€000	€000
Earraí agus seirbhísí a fháil	514	593
Tionscadal caipitil	216	199
Iomlán na gceangaltas is in-fhorfheidhmithe le dlí	730	792

2.8 Dlíteanais theagmhasacha

Tá an Coimisiún um Chosaint Sonraí páirteach i roinnt imeachtaí dlí atá ar feitheamh agus d'fhéadfadh dlíteanais a bheith mar thoradh orthu sin, ag brath ar thoradh na dlíthíochta. Níl aon chinnteacht ann maidir leis an méid iarbhir ná tráthúlacht na ndlíteanas féideartha.

Nóta 3 Caiteachas Vóta

Anailís ar chaiteachas riaracháin

Aicmítear an leithdháileadh ar fad ar Vóta 44 An Coimisiún um Chosaint Sonraí mar chaiteachas riaracháin a chuirtear i bhfeidhm i dtreo clár aonair: rialáil cosanta sonraí a sholáthar.

		2021	2020
		Soláthar meastacháin	Toradh
		€000	€000
i	Tuarastail, pá agus liúntais	12,764	9,326
ii	Taisteal agus cothú	110	2
iii	Oiliúint agus forbairt agus speansais theagmhásacha agus speansais dlí	2,447	3,399
iv	Seirbhísí poist agusteileachumarsáide	45	35
v	Trealamh oifige agus seirbhísí TF seachtracha	1,612	830
vi	Costais áitribh oifige	1,700	826
vii	Seirbhísí comhairleoireachta agus athbhreithnithe ar luach ar airgead agus ar pholasaithe	440	339
viii	Taighde	10	—
		19,128	14,757
			12,218

Difríochtaí suntasacha

Déantar anailís sa mhéid seo a leanas ar chaiteachas riaracháin an Vóta agus déantar cur síos ar na cúiseanna atá le difríochtaí suntasacha (+/- 25% agus €100,000).

i Tuarastail, pá agus liúntais

Soláthar meastacháin €12.764 milliún; toradh €9.326 milliún

Bhain an t-easnamh €3.438 milliún i gcaiteachas i gcomórtas leis an soláthar meastacháin leis an earcaíocht níos moille ná mar a bhíodhas ag súil leis, agus roinnt feachtais earcaíochta á gcur ar aghaidh go dtí an bhliain 2022. Bhain sé freisin leis an ngá a bhí ann chun críocha meastachán chun tuarastail foirne a phróifiliú ar bhonn bliantúlaithe agus ar bhonn lárphointe an scála, chomh maith le laghdú ar an bhfoireann.

ii Taisteal agus cothú

Soláthar meastacháin €110,000; toradh €2,000

Bhain an t-easnamh €108,000 i gcaiteachas le taisteal foirne atá níos lú ná mar a bhíodhas ag súil leis sa bhliain 2021 de bharr phaindéim Covid-19.

iii Oiliúint agus forbairt agus speansais theagmhasacha agus speansais dlí

Soláthar meastacháin €2.447 milliún; toradh €3.399 milliún

Bhain an farasbarr €952,000 i gcaiteachas den chuid is mó le costais dlí a bhí níos airde ná mar a bhíodhas ag súil leis atá fritháirithe ag caiteachas níos lú ar oiliúint agus forbairt foirne agus speansais theagmhasacha eile. Tríd is tríd, sháraigh costais dlí DPC, a bhí cothrom le thart ar €3.2 milliún, an buiséad leithdháilte do chostais dlí faoi €1.2 milliún. Bhí gnéithe suntasacha ann a chuir leis an róchaiteachas sin amhail ardú i ndlíthíocht ón mbliain roimhe sin, costais shuntasacha a tabhaíodh i roinnt sraitheanna casta agus criticiúla imeachtaí dlí agus gá níos mó le seirbhísí dlí seachtracha go háirithe maidir le saincheisteanna conspóideacha a thagann chun cinn i bhfiosrúcháin trasteorann.

v Trealamh oifige agus seirbhísí TF seachtracha

Soláthar meastacháin €1.612 milliún; toradh €830,000

Bhain an t-easnamh €782,000 i gcaiteachas i gcomórtas leis an soláthar meastacháin den chuid is mó le cinneadh gan dul ar aghaidh le tionscadal mór ascnaimh sonraí. Bhain an t-easnamh i gcaiteachas freisin le muirir TFC a bheith níos lú mar a bhíodhas ag súil leo mar gheall ar líon foirne níos ísle ná mar a bhí tuartha agus roinnt feidhmchlár gnó a bhí le cur i bhfeidhm sa bhliain 2021 a bheith á dtabhairt ar aghaidh don bhliain 2022.

vi Costais áitribh oifige

Soláthar meastacháin €1.7 milliún; toradh €826,000

Bhain an t-easnamh €874,000 milliún i gcaiteachas i gcomórtas leis an soláthar meastacháin den chuid is mó le costais oibriúcháin a bheith níos lú ná mar a bhíodhas ag súil leis mar gheall ar chianobair agus ar an moill a bhí ann ar spás oifige breise a fháil agus ar thús a chur leis an obair feistithe nuair atá sé faighte.

vii Seirbhísí comhairleoireachta agus athbhreithnithe ar luach ar airgead agus ar pholasaithe

Soláthar meastacháin €440,000; toradh €339,000

Bhain an t-easnamh €101,000 i gcaiteachas i gcomórtas leis an soláthar meastacháin den chuid is mó leis an ngá le seirbhísí comhairleoireachta a bheith níos lú ná mar a bhíodhas ag súil leis.

Nóta 4 Fáltais

4.1 Leithreasaí-i-gcabhair

		2021	2020
	Measta €000	Réadaithe €000	Réadaithe €000
1	Ilghnéitheach	10	—
2	Fáltais ó ranníocaíochtaí breise aoisliúntais ar luach saothair seirbhíse poiblí	220	189
	Iomlán	230	155

4.2 Fáltais bhreise is iníoctha leis an Státchiste

	2021 €000	2020 €000
Iarmhéid ag an 1 Eanáir	—	—
Fáltais ó fhíneálacha riaracháin	800	75
Aistrithe chuig an Státchiste	(800)	(75)
Iarmhéid ag an 31 Nollaig	—	—

4.3 Fíneálacha

Faoi shainchúram reachtúil DPC, is féidir fíneálacha riaracháin a fhorchur. Ní fhéadfar fíneáil ar bith a fhorchuireann DPC a bhailiú go dtí go ndeimhnítear í le hordú ón gCúirt (cibé acu ar achomharc nó ar iarratas deimhnithe).

	2021	2020
	€000	€000
larmhéid tosaigh	710	—
Fíneálacha a forchuireadh sa bhliain	225,261	785
Fíneálacha a bailíodh (féach nóta 4.2)	(800)	(75)
Fíneálacha a coigeartaíodh/a díscríobhadh	—	—
larmhéid deiridh	225,171	710

D'fhorchuir DPC cúig fhíneáil sa bhliain 2021 lenar bhain luach iomlán €225,261,500. Tá ceann amháin de na fíneálacha sin, lenar bhain luach €225,000,000, faoi réir achomhairc agus deimhniú ón gCúirt faoi láthair. De na cúig fhíneáil thuas, bailíodh ceann amháin ina iomláine sa bhliain 2021 lenar bhain luach €90,000. Chomh maith leis an bhfíneáil sin, bailíodh sé fhíneáil eile sa bhliain 2021 lenar bhain luach iomlán €710,000, mar gheall ar fhíneálacha a d'fhorchuir DPC sa bhliain 2020.

Nóta 5 Soláthar Foirne agus Luach Saothair

5.1 Líon na bhfostaithe

Coibhéisí lánaimseartha	2021	2020
Líon foirne ag deireadh na bliana	190	145

5.2 Pá

	2021	2020
	€000	€000
Pá	8,459	7,120
Liúntais le haghaidh ard-dualgas, dualgais speisialta nó dualgais bhreise	16	15
Liúntais eile	—	—
Ragobair	—	—
ÁSPC an fhostóra	851	709
Pá iomlán	9,326	7,844

5.3 Liúntais agus íocaíochtaí ragoibre

	Líon na bhfaighteoirí	Faighteoirí a fuair €10,000 nó níos mó	An íocaíocht aonair is airde	
			2021	2020
			€	€
Liúntais le haghaidh ard-dualgas, dualgais speisialta nó dualgais bhreise	2	—	7,564	6,186
Ragobair	1	—	217	217
Liúntais eile	—	—	—	—
Luach saothair breise i níos mó ná catagóir amháin	—	—	—	—

5.4 Ró-íocaíochtaí párolla

ag an 31 Nollaig	Líon na bhfaighteoirí	2021 €	2020 €
Ró-íocaíochtaí a raibh pleananna aisghabhála i bhfeidhm ina leith	4	24,959	32,733
Ró-íocaíochtaí nach raibh pleananna aisghabhála i bhfeidhm ina leith	6	15,090	3,738
	10	40,049	36,471

5.5 Tuarastal an Oifigigh Cuntasaíochta

Amhail an 31 Nollaig 2021, is ag grád an Rúnaí Chúnta atá tuarastal an Oifigigh Cuntasaíochta, áit arb ionann an t-olltuarastal bliantúil agus €164,549 (amhail an 31 Nollaig 2020, b'ionann é agus €162,920).

Nóta 6 Ilghnéitheach

6.1 Costais chúitimh agus dlí

Íocaíochtaí/costais a d'íoc an Oifig sa bhliain

	Éilimh a rinne daoine den phobal	lomlán lomlán 2021	lomlán lomlán 2020
Líon na gcásanna	44	44	34
	€000	€000	€000
Costais dlí na hoifige í féin	1,218	1,218	626
Íocaíochtaí a rinne an Bord/a rinneadh thar a cheann			
Cúiteamh	—	—	—
Costais dlí	—	—	85
Costais eile	—	—	—
lomlán 2021	1,218	1,218	711
lomlán 2020	711	711	

Nótaí ^a Amhail an 31 Nollaig 2021, ní raibh aon éileamh fós le réiteach.

^b Amhail an 31 Nollaig 2021, ní raibh aon suim dlíte don Gníomhaireacht um Éilimh ar an Stát.

6.2 Costais Dlí

Áirítear i gcostais dlí iomlán €1.218 milliún costais €1.139 milliún a tabhaíodh i ndáil le 44 shraith d'imeachtaí in aghaidh DPC (lena n-áirítear athbhreithniú breithiúnach, imeachtaí iomlánacha agus achomhairc reachtúla a rinneadh in aghaidh DPC).

Chomh maith leis sin, áirítear freisin sa tsuim iomlán €1.218 milliún costais dlí DPC i ndáil le 14 shraith bhreise d'imeachtaí ar chuir DPC é féin tús leo. Is éard a bhí i gceist leo sin ná seacht n-ionchúiseamh margaíochta a thug DPC os comhair na Cúirte Dúiche faoi I.R. Uimh. 336/2011* agus seacht n-iarratas deimhnithe a rinne DPC os comhair na Cúirte Cuarda faoi alt 143 den Acht um Chosaint Sonraí, 2018, chun fineálacha riaracháin a dheimhniú, arbh fhíneálacha iad a d'fhorchuir DPC ar eagraíochtaí le linn na mblianta 2020 agus 2021. Ba é €81,902 an tsuim iomlán a bhí sna costais dlí i ndáil leis na 14 shraith d'imeachtaí. Mar sin féin, mar gheall ar thrí cinn de na hionchúisimh mhargaíochta sin, dámhadh costais ionchúisimh dar luach €3,095 san iomlán do DPC. Laghdaigh sé sin na costais dlí iomlána a bhain leis na himeachtaí a rinne DPC sa bhliain 2021 go €78,807.

Sa chás DPC v. Facebook Ireland agus Maximilian Schrems, d'ordaigh an Ard-Chúirt do DPC costais an Uas. Schrems a íoc, agus tá breith le tabhairt (ag Oifig na mBreithneoirí Costas Dlíthiúil san Ard-Chúirt) ar na costais sin mura mbíonn comhaontú ann idir na páirtithe. Tá na himeachtaí atá ann chun an méid costas atá le híoc ag DPC a shocrú ar feitheamh fós os comhair Oifig na mBreithneoirí Costas Dlíthiúil. Ag an am céanna, tá idirbheartaíocht fós ar bun idir cuntasóirí costas dlí na bpáirtithe faoi seach. Tá an idirbheartaíocht sin ar siúl ar bhonn 'gan aon dochar a dhéanamh'. Rinne DPC íocaíocht eatramhach €450,000 le hionadaí dlíthiúil an Uas. Schrems sa bhliain 2020, agus táthar ag súil go n-íocfar sa bhliain 2022 an chuid eile de na costais atá le híoc ag DPC.

**I.R. Uimh. 336/2011 — Rialachán na gComhphobal Eorpach (Líonraí agus Seirbhísí Cumarsáide Leictreonáil) (Príobháideachtas agus Cumarsáid Leictreonach), 2011 (dá ngairtear na Rialacháin Ríomhphríobháideachais).*

6.3 Maoiniú ó AE

Chuaigh an Coimisiún um Chosaint Sonraí i mbun comhpháirtíochta le hÚdarás Cosanta Sonraí na Cróite agus le hOllscoil Vrije (an Bhruiséil) maidir le tionscadal arna chómhaoiniú ag an Aontas Eorpach faoin gClár um Chearta, um Chomhionannas agus um Shaoránacht. Fuarthas maoiniú €91,000 ó AE sa bhliain 2020 maidir leis an tionscadal sin. Lean DPC ag cur leis na spriocanna inghnóthaithe atá leagtha amach ag AE mar chuid den ról atá aige laistigh d'Fheachtas Múscailte Feasachta an Choiste Iniúchóireachta agus Riosca atá dírithe ar FBManna.